

# **Jonihomĩ Utĩpĩho Kapĩhotihĩ Kapĩho**

## **Kĩmandĩ 3 Jonĩhopĩ**

### **Utĩpĩmandapĩ Nesĩpĩhande**

Kĩraisihomĩ Isĩhiya Usaisĩ iwinjatisĩho mĩtĩho amĩ mĩtĩho wo Kĩraisihomĩ isĩhiya usaisĩ iwinjatisĩho komĩ ambĩpatĩ Gaiyaasihopĩ kĩmandĩ utĩpĩmandĩ jĩpatĩpiyatĩ nusoasataise. Gaiyaasiho Kĩraisihomĩ isĩhiya usaisĩ iwĩtatamasĩhĩ kandapĩ Jonĩho Gaiyaasihomĩ ambĩpatĩ nĩwimaataise. Iyatĩ Gaiyaasiho utaaho wo komĩ ambĩpatĩ Diyotĩrepesihopĩ jatĩnatĩ bitoaitandĩ kaundataase.

*Nyahĩ Isĩhiya Autaahaatĩhomĩ Otĩpĩpatĩ Kaw-  
itaatĩwĩ Iwĩtatamanĩtĩhaawo*

<sup>1</sup> Nĩnĩ gwĩnyaahonĩnĩ mĩtĩhonĩnĩ isĩhiya Kĩraisihopĩ gwũnyaahohiyĩhiyai iwinjaatĩ bimohĩhonĩnĩ kĩnyĩ Gaiyaasihonyapĩ kĩmandĩ utĩpĩmandĩ jĩpatĩpiyataayo. Iyataatĩ nĩnĩ gisĩ maarĩho akĩtĩnĩhĩ nahinyataayo.

<sup>2</sup> Naisohojĩ, kinyapĩ ko Kĩraisihomĩhĩretĩ komĩ maarĩho gaatihĩ nga biyatĩ bindataise ndĩ nĩnĩ gwĩnyaataayo. Saindĩ gwĩnyaataatĩ amĩ kinyĩ ambĩpatisangi gaatanĩhĩ bimĩtaapĩ nĩnĩ Autaahaatĩhopĩ gaapundataayo. Aindĩ amĩ kinyĩ kaingĩwaiwa tĩtĩhĩ noaipatĩ gaatĩtandĩ amĩ ahoyatĩ gaapundataayo.

3 Iyataati isihya naisihya usa Kiraasihopi gwunyaahohiyihya kimbihhi ningisaapihhi napiwu noaipawaayopo. Napiwu noaipapikinyapiko ko Autaahaatihomipiwuha akaahaamihireti titihi japepihirati Autaahaatihomipiwuhaapi akaahaare tati biyati ausaataati isihyaami piwuha jaiwitiwuha ausaahohihai ipihatisamahore tauhi atisataayo. Atisataati apipaahi aungwohandi maaritataayo.

4 Iyataati sahi nisi metihonyaati Autaahaatihomipiwuha akaahaamihireti titihi japepihirisaihi atisataataahi ninu aungwohandi maaritito. Iyataati nisi maaritohititmandi windi nusatipihati awaindihandi maarititandihandi owetitaise.

### *Kima Piuima Gaiyaasiho Otipipati Gaahati Kaipatapihare*

5 Nisi naisohonu ninu gisi maariho apipaahi awaindihandi nahinyohihone, isihya Kiraasihopi gwunyaahohiyihiyaisuni ami isihya usaisi kiya gisi napiwu ginjihauhi kinu kiyai iwitatamanipi anditwipi gaahati kawingitihandi sandi gaahandi kiyapaise.

6 Iyataati isihya siya Kiraasihopi gwunyaahohiyihya gi napiwu ginjahauhi kinu kiyaisi maariho nunyapi kaingiwaiwaapi siyahore siyahore tiwi kimbihapihyaanangi kanyatauhit atisihayo. Isi isihya siya ami ipotisangi waara napiwu ginjasaihaahi Autaahaatihomiotipipati kaiwi daayawaahiyaasi naasaipiti kati kaimbisihisangi iwitatamanipi anditwipe. Aimbisi

kiya daihira nowaawi nandapa nandaatiwihapa anditiwipi nunyapaapaahi sandi gaare ami sandapi Autaahaatiho maaritataiso.

<sup>7</sup> Iyataati ishiya siya Kraisihomi otipipati kaiwi daayawaahiyaare. Isi ishiya Kraisihopi windi gimaawunyaahohiyihiya nandapa ami wapa ikipipa numwisaihihapa kiya windi namaitaapo.

<sup>8</sup> Isi nyahi Kraisihopi gwunyaahohiyihiyaanini ishiya saiwi otipipati kaiwi daayohiyihiyai iwitatamanaati anditiwiwitihaawe. Siyaati kiyahaawaahi piwaha akaahaami Tanyaahomi otipipati mikandi maasi kiyahaayo.

*Kima Piwima Daiyotirepisiho Maipihandi  
Kaindihandapihaare*

<sup>9</sup> Iyataati sahi Kraisihopi gwunyaahohiyihiyaatangi saiwi saiwi itatamanininiwimaawise satiti utipihandi aimi jipatipaindi nusoaasataayo. Saindi utipihandi jipatipaindi nusoaasonihandi kandi Daiyotirepisiho nisi piwaha windi atihomaanisataise. Atihomaanisati ko siyati gwinyaataise, ishiya Kraisihopi gwunyaahohiyihiyai nininoaipati awaisihoninimandi iwinjaati bimitaano tati gwinyaataise. Siyati gwinyaataati nisi piwaha ko atinisiati nisi otitih windi bimimise.

<sup>10</sup> Isi ninisangisenda nasataataahi ko nisapi maipihaiwa katati sipihitiwaiwaapi ko sawaho Daiyotirepisiho atisonihi sata sata katati siya kiyahoe ndi sangi ausaati kasatito. Iyati ko nehi saiwaahihikiyataamaise. Owetise. Ami wiwa siyihaiwa kiyataise.

Isihiya Autaahaatihomi piwaha ausapi daayohiyihiyai nisi anjipipih napiwise undati piwaundati gerundati numwaataamaise. Owe. Iyati ami ko windi siyahandi kiyataise, isihiya Autaahaatihomi otipipati kaiwi daayohiyihiyai kapihapihiya piwaundawi kiyaami anjipipihapi numwaasi naitotiwiyauhi ko saundataase, sahi isihiya siyai piwaundawi namumwaapise undati kaundataase. Iyati isihiya maaritwi Autaahaatihomi otipipati kaiwi daayohiyihiyai kiyaami anjipipih numwapai yainjaraawisohiyihiyai Kiraasihopi gwunyaahohiyihiyaamihatihapi neti yatihemahore.

<sup>11</sup> Nisi naisohonj akohonj ninj gi nisi maariho nahinyohihone, maipihaiwa japepihiripi kaiwa kamaima. Owetane. Nehi titihi gaahaiwa japepihiripi gaahaiwa gaahireti kaima. Utaaho wo titihi gaahandi kaisiho so Autaahaatihomihore. Utaaho wo maipihandi titihimetihandi kaisiho so Autaahaatihopi windi atimisati monahore.

<sup>12</sup> Iyataati Demitriyaasihopi isihiya nahatiya ko titihi gaaho ainahihore tiwi katawaatopo. Iyataati ami ko piwaha akaahaamihireti japepihirati kaindihandaah kopu titihi gaahore tati neti nanyisataise. Aihini ngisangi kopu titihi nisi piwaha nahatewa katohiwaiwa jaiwatahaiwaamaahe. Titihi akaahaasi Demitriyaasihopi katohihaisangi akite tipu gwinyaitaise.

*Piwaha Ipotihaare*

13 Nini gisi piwaha pihindi kahititi jipatipaitihati kandi kimandi utipimandaatihii windi waati jipatipimaayo.

14 Piwaha gisi pihindi kahititi jipatipimaayotimandi apaapimaahе. Nini gisi napiti gisoniti piwaha kahititi kaitandihandapi gwinyapenataati piwaha pihindi kahititi jipatipimaayo.

15 Isi kinyi maarho napisaatitonihii kinyi timbipa windi namepi baimbi bime. Kinyi naisihiya kimbhiya gi ipihirete hitawaatopo. Isi naisihyai Joniho sangi ipihirete satataase undipi ninaasiyaisi yiyandihii kaunde.

Kima piwima ninii Jonihoninii jipatipiyataayo.

**Autahaatihomi Piwaha Gaaha Wanaha**  
**The New Testament in the Angaataha language of**  
**Papua New Guinea**  
**Nupela Testamen long tokples Angaataha long Niugini**  
copyright © 2004 Wycliffe Bible Translators, Inc.

Language: Angaataha

Translation by: PNG Bible Translation Association

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-17

---

PDF generated using Haiola and XeLaTeX on 28 Dec 2024 from source files dated 31 Aug 2023

b83b4d2c-30be-5f11-8fb0-fa04e4808bad